

MINISTERYO TAYO ED PANARIAN

PEBRERO 2012

SIMBA NA PEBRERO 13

Kanta 7 tan Pikakasi

Panagaral na Kongregasyon ed Biblia:

cl kap. 18 ¶11-19 (25 min.)

Teokratikon Eskuelaan Parad Ministeryo:

Babasaen ed Biblia: Isaias 52-57 (10 min.)

No. 1: Isaias 56:1-12 (4 min. o mas antikey)

No. 2: Panon a Makagunggona ed Sikatayo so Katooran nen Pedro?—Juan 6:68, 69 (5 min.)

No. 3: Kasin Kokonsintien na Biblia so Poligamya?—rs-E p. 250 ¶1-p. 251 ¶2 (5 min.)

Pantitipon Parad Panagserbi:

Kanta 117

5 min: Saray Pakabat.

10 min: Bayuboan so Abilidad Bilang Managbangat—Part 1. Paliwawa base ed libron *Eskuelaan Parad Ministeryo*, pahina 56, parapo 1, angad pahina 57, parapo 2.

10 min: Say Dios so Mampabaleg. (1 Cor. 3:6) Paliwawa a mankomentoy dumerengel base ed 2011 Yearbook, pahina 55, parapo 1-2, tan pahina 138, parapo 3-4. Tepeten iray dumerengel no antoy naaaran da.

10 min: "Iplano la Natan a Palaknaben so Ministeryom." Tepet tan ebat. Sano pantotongongan so parapo 3, kerewen ed manangasikaso na serbisyoy ya ipaliwawa iray uksoyan na kongregasyon nipaakar ed pantitipon parad lawak na serbisyoy legan na Marso, Abril, tan Mayo.

Kanta 107 tan Pikakasi

Iplano la Natan a Palaknaben so Ministeryom

¹ Kada panaon na Memoryal, panganawna wa tayon 'pisalamatan na balbaleg si Jehova.' (Sal. 109:30) Palaknaben mo kasi ministeryom diad Marso pian nipanengneng moy pisasalamat mo ed samay angitarya na dondon? Natan la so pamplano.—Uli. 21:5.

1. Anton nikaduman panganawna so walad sikatayo diad panaon na Memoryal, tan panon tayon manparaan parad satan?

² **Pan-Auxiliary Payunir:** Nen imbeneg ya taon malikeliket iray kongregasyon sanen namtaan dan sarag day man-auxiliary payunir na Abril ya mas daiset so oras ya kaukolan dan aboten. Oniay insulat na sakey ya brother: "High school ak ni labat, tan singa agko ni sarag so man-regular payunir. Man-apply ak parad 30 oras balet pansagpotan kon aboten so 50 oras ed bulan na Abril." Insulat na sakey a sister ya mantratrabayon full-time: "Tal-lomplon oras—magangganon aboten 'tan!' Sanen inyanunsio iyan probisyon, imbaga na sakey a datin payunir ya 80 años to la natan: "Abayag ko lan aalagaren iya! Amta nen Jehova ya say impanpayunir ko so sinkaabigan ya panaon ed bilay ko!" Saray arum ya agmakan-pan-payunir et gagawaen dan kalat so panggaway mas dakel ed ministeryo.

³ Maabig so pan-auxiliary payunir no Marso lapud sarag tayo lamet so manpili no 30 odino 50 oras so aboten tayo. Ontan met, onggapo no Sabado, Marso 17, mibiang tayo ed espisyal ya kampanya a pangimbitad arum pian nakaiba tayo rad Memoryal no Abril 5. Seguradon na-enjoy na dakel so impamalakan-nab dad ministeryo da kanian labay da lamet so man-auxiliary payunir diad Abril tan Mayo, ya 50 oras so aboten da.

⁴ Diad ontumbok ya Panagdayew na Pamilya yo, agta maabig no pantotongongan yo no panon ya napalaknab na kada sakey ed sikayo so ministeryo to legay panaon na Memoryal? (Uli. 15:22) Kerewen ed si Jehova ya bendisyonan to ray sagpot yo. (1 Juan 3:22) Diad pamapalaknab yoy ministeryo yo, agyo labat naarumay panangidayew yod si Jehova noagta naaruman yo met so liket yo.—2 Cor. 9:6.

2. Panon kan kinmiwas pati saray arum ed probisyon ya binawasay kakaukolanen ya oras parad auxiliary payunir nen imbeneg ya Abril?

3. Akin et maabig ya nonoten so pan-auxiliary payunir diad Marso, Abril, tan Mayo?

4. Antoy gawaen tayo pian napalaknab so ministeryo tayo, tan antoy magmaliw a resulta?

SIMBA NA PEBRERO 20

Kanta 37 tan Pikakasi

Panagaral na Kongregasyon ed Biblia:

cl kap. 18 ¶20-24, kahon ed p. 188 (25 min.)

Teokratikon Eskuelaan Parad Ministeryo:

Babasaen ed Biblia: Isaías 58-62 (10 min.)

No. 1: Isaías 61:1-11 (4 min. o mas antikey)

No. 2: Akin a say Dedikasyon et Paneknek na Panangaro tan Pananisia? (5 min.)

No. 3: Anto so Panmoria na Dios ed Pansian na Sanasawa?—rs-E p. 251 ¶3 (5 min.)

Pantitipon Parad Panagserbi:

Kanta 87

10 min: Saray Pakabat. Salambiten so opresin literatura parad Marso, tan paidemostra so sakey a presentasyon.

10 min: Antoy Naaralan Tayo? Paliwawa a mankomentoy dumerengel. Ipabasa so Salmo 63:3-8 tan Marcos 1:32-39. Pantongtongan no panon iyan makatulong ed sikatayo diad ministeryo.

15 min: "Pangibunog na Imbitasyon ed Memoryal ya Onggapo no Marso 17." Tepet tan ebat. Ikdán so amin ya inmatendi na kopyay imbitasyon, no wala la, tan repasoén itan. Sano pantotongtongan so parapo 2, idemostra no panon ya iyopresi so imbitasyon. Sano pantotongtongan so parapo 3, kerewen ed manangsikasoy serbisyo ya ipaliwawa to no panon ya nasumpal so territorya yo.

Kanta 8 tan Pikakasi

Pangibunog na Imbitasyon ed Memoryal ya Onggapo no Marso 17

¹ Diad tinaon ya pancelebra na Memoryal et niyaabawag so impatey nen Jesus. (1 Cor. 11:26) Kanián labay tayon nakaiba iray arum ya onatendi tan mandengel nipaakar ed dondon ya maaron inter nen Jehova. (Juan 3:16) Diad sayan taon, say kampanyan pangimbitad totoo parad Memoryal et onggapo no Sabado, Marso 17. Kasin manplaplano ka la pian sigpot a makapibiang ed satan?

1. Anton kampanya so onggapo no Marso 17?

² **No Antoy Nayarín Ibaga Tayo:** Mas maabig no antikey labat so ibaga tayo. Nayarín ibaga: "Hello. Walay iter min imbitasyon parañ pamilya yo nipaakar ed importantiñ tinaon a celebrasyon ya nagawad interon mundo no Abril 5. Walay paliwawan nibase ed Biblia nipaakar ed no antoy agawaan na impatey nen Jesus tan no antoy gagawaen to natan. Akasulat dia no iner iya nagawa diad lugar tayo tan no anton oras." No mibiang ed panagbunog diad weekend, mangiyopresi met na magasin no matukoy.

³ **Mangimbitay Dakel:** Say kalat tayo et mangimbitay dakel ya totoo anggad posible. Kanián seguradoen yon imbitaan iray iyaaran yoy Biblia, saray papawilen, kakanayon, katabaho, kaeskuela, kakaabay, tan arum ni ran kabat yo. Mangiter na instruksion iray elder ed kongregasyon yo no panon ya nasumpal so territorya yo. Wala ray maabig ya resulta na tinaon a panangimbita ed Memoryal. Nen imbeneg ya taon, sanen linmoob so sakey a bii diad nanselebraan na Memoryal, inasinggeran na attendant pian tulongan ya anapey publisher ya angimbitad sikato. Balet inkuan na bii ya anggapoy kabat to diman, inter labat kunod sikato so imbitasyon na samay manpupulong ed kaabungan diad saman ya kabuasan.

⁴ Nayarín say sakey ed saray onatendid Memoryal et wadman lapud imbitasyon ya intilak mo. Anggano onatendi odino andi so inimbitaan yo, siansian mangiter na pantasi so impansagpot yo. Saray imbitasyon ya ibunog yo et mangiyabawag ya si Jesus et sakey la natan ya makapanyarin Ari. Say maseseg ya pibiang yo et mangipatnag ed amin ya makanengneng—saray totood territorya, kaparan publisher, tan manunad amin, si Jehova—ya talagan aapresyaen yo so regalo ya dondon. —Col. 3:15.

2. Antoy nayarín ibaga tayo sano mangiter tayo imbitasyon?
3. Antoy gawaen tayo pian dakel so naimbitan tayo?
4. Anto ray rason no akin a maseseg ya mibiang ed kampanya?

SIMBA NA PEBRERO 27

Kanta 135 tan Pikakasi

❑ Panagaral na Kongregasyon ed Biblia:

cl kap. 19 ¶1-8 (25 min.)

❑ Teokratikon Eskuelaan Parad Ministryo:

Babasaen ed Biblia: Isaias 63-66 (10 min.)

Reposo ed Teokratikon Eskuelaan Parad Ministryo (20 min.)

❑ Pantitipon Parad Panagserbi:

Kanta 114

10 min: Saray Pakabat. Paidemostra no panon a niga-po so panangiyaral na Biblia diad unonan Sabado na Marso ya usaren so pangaligan a presentasyon a walad pahina 4.

20 min: Tulongan Iramay Agmanisiad Biblia. Paliwawa a mankomenton dumerengel base ed libron *Reasoning*, pahina 64-68. Paidemostra so sakey o duaran presentasyon.

5 min: Kasin Nagunggonaan Ka ed Pinasimplin Edisyon? Paliwawa. Say agin akanbetang ed saya et nepeq ya mangi-print na duaran kopya na pinasimplin edisyon manlapud Web site ya *jw.org* no posibili. [Nanengneng iya diad "Latest Magazines (English)." Pilien toy "Watchtower (Simplified)" diad PDF format.] Idisplay irayan kopya diad magasin counter ya pigiran simba pian nabukay na saray manangipalapag. (No anggapoy access yo ed Web site, nayarin kerewen diad asingger ya kongregasyon ya i-download itan parad si-kayo.)

Kanta 100 tan Pikakasi

da, kanian nasubaybayan day pambasa na saray parapo tan makapankomento ra.

No isipen yon minabang kayo ed sayan pinasimplin edisyon, ipila yo iya ed binulan ya order yo.

Repaso ed Teokratikon Eskuelaan Parad Ministryo

Say onggandan iran tepet so singbaten diad Teokratikon Eskuelaan Parad Ministryo legan na simba ya onggapo ed Pebrero 27, 2012. Akasulat iray petsa no kapigan aka-eskedyul ya pantong-tongan so kada punto pian makapan-research sano manpaparaan parad eskuelaan kada simba.

1. Kasin susto so pangibagan pupugeran na panangasi nen Jehova so inkahustisy to? (Isa. 30:18) [Ene. 9, w02 3/1 p. 30]
2. Antoy naaralan tayod impakaekal nen Sebna bilang mayurdomo nen Ezekias? (Isa. 36:2, 3, 22) [Ene. 16, w07 1/15 p. 8 par. 6]
3. Antoy naaralan tayod salaysay a walad Isaias 37:1, 14-20 pian nalabanay pakakagonigon? [Ene. 16, w07 1/15 p. 9 par. 1-2]
4. Panon a napaseseg iray lingkor nen Jehova diad samay ilustrasyon a walad Isaias 40:31? [Ene. 23, w96 6/15 p. 10-11]
5. Diad Isaias 41:14, anto so imbagia nen Jehova a magano lan panangataki a makapaseseg ed sikatayo natan? [Ene. 23, w02 8/15 p. 27 par. 16]
6. Panon tayon nipanengneng ed si Jehova ya 'uunoren tayo so inkatunong'? (Isa. 51:1) [Peb. 6, w03 1/15 p. 21 par. 2]
7. Siopa iramay "dakel" ya asalambit ed Isaias 53:12, tan antoy naaralan tayod si Jehova nipaakar ed pidedeneng tod arum? [Peb. 13, w03 2/15 p. 30 par. 34]
8. Anto so naeksperiensya na totoo nen Jehova legan na kaunoran iran agew ya simbolikon deneskribe ed Isaias 60:17? [Peb. 20, w03 6/1 p. 27 par. 22]
9. Antoy kabaliksan na "taon na pamalangkap ['abig-linawa,' NW]" ya inyabawag nen Jesus tan na saray papatumbok to? (Isa. 61:2) [Peb. 20, w03 6/15 p. 27 par. 7-8]
10. Anton makapadinayew a kualidad nen Jehova so nipabitar ed Isaias 63:9? [Peb. 27, w03 7/1 p. 19 par. 22-23]

Kasin Nagunggonaan Ka ed Pinasimplin Edisyon?

Say panaralan ya edisyon na *The Watchtower* et wala lay pinasimplin edisyon to ed English. Satan et parad saray (1) manangipalapag ya English so lenguaje ra balet ta simpli English labat so uusaren da, nayarin lapud limitadon edukasyon; (2) manangipalapag ya aliwan English so manunan lenguaje ra; (3) ugugaw, pati saray walad elementary tan high school; tan (4) saray iyaaralan na Biblia ya labay day mas simple tan mas direktaan panangibaga pian natalosan da ray espiritual ya katuaan.

Saray numero na parapo, tepet, tan subtitleo et miparad standard ya edisyon. Pareho labat iray artikulo, balet ta mas simpli iray salitan inusar. Anggaman standard ya edisyon so usaren na mangikonduktay Panagaral na *Panag-bantayan* tan say manbasa, likud labat no maslak ed onaatiendi et pinasimplin edisyon so uusaren da, saramay manguusar na pinasimplin edisyon et pareho iran nisitan teksto tan litrato so nanengneng

SIMBA NA MARSO 5

Kanta 103 tan Pikakasi

❑ Panagaral na Kongregasyon ed Biblia:

cl kap. 19 ¶9-17 (25 min.)

❑ Teokratikon Eskuelaan Parad Ministryo:

Babasaen ed Biblia: Jeremias 1-4 (10 min.)

No. 1: Jeremias 3:14-25 (4 min. o mas antikey)

No. 2: No Akin et Agtayo Ibabaing ya Usarey Ngaran nen Jehova—Isa. 43:12 (5 min.)

No. 3: Anto so Panmoria na Biblia ed Diborsyo tan Pangasawa Lamet?—rs-E p. 252 ¶1-4 (5 min.)

❑ Pantitipon Parad Panagserbi:

Kanta 94

5 min: Saray Pakabat.

10 min: Minabang ed Usisaen so Kasulatan ya Inagew-agew—2012. Ipaliawan magano so paunanan salita. Insan paisalaysay ed dumeren gel no kapigan so inggana ran pangikokonsidera dad teksto tan no panon iran agunggonan. Sampotan ed antikey a panrepaso ed tinaon a teksto parad 2012.

10 min: Lokal iran pankaukolan.

10 min: Saray Suhestion ed Pangiyopresi na Saray Magasin ed Marso. Paliwawa a manko-mentoy dumerengel. Ipagbitar ed loob na sakey o duaran minuto iray artikulo ya makapainteris ed territorya yo. Insan, imbitaan iray dumerengel a mangisuheri na makaalay interes ya tepep nipaakar ed seryen ipapabitar na *Say Panag-bantayan*, tan kayari to et say tekston ibasa. Ontan met so gawaen ed seryen ipapabitar na *Awake!* tan no wala ni oras, sakey nin artikulo na anggan dinan ed saratan a magasin. Paidemostra no panon ya iyopresi so kada isyu.

Kanta 75 tan Pikakasi

Saray Pakabat

■ Opresin literatura ed **Pebrero:** Iyopresi so anggan dinan ed saraya: *Is There a Creator Who Cares About You?, Say Sekreto na Liket ed Pamilya, The Bible—God's Word or Man's?*

Marso: Anto so Peteg ya Ibabangat na Biblia? **Abril tan Mayo:** Saray magasin a *Panag-bantayan* tan *Awake!*

■ No Simba, Pebrero 19, 2012, kayari panaral na *Panag-bantayan*, walay antikey a miting na amin ya manpla-planon man-auxiliary payunir diad Marso, no iner nayari itayon manpili no 30- odino 50- oras so kaukolan ya aboten. Say manangasikaso na serbisyo so mangidaulo na miting, a se-guroen ton walay magenap ya application form ya ibunog.

■ No bilang plano yoy ompasyar ed arum a bansan anggapod listaan na saramay kaplesan a mangirereport parad ti-

naon a serbisyo odino agnaromog so address dad sampot ya pahina na kaplesan a *Yearbook*, ipangasin kontak yoy sa-nagan opisina pian naseguro no anto ray nepeg yon panal-waran odino no anto ray instruksion a nepeg yon tumbo-ken. Nayarin diad satan a bansa et wala ray restriksion ed kimey na Panarian. (Mat. 10:16) Wala ray bansom ag-ipapaseg so pangontak ed saray Tasi tan kongregasyon ditan. Na-yarin wala ray iter ed sikayon giya nipaakar ed impormal a panagtasi odino pangawit na saray literatura. No tumboken yo irayan giya, napaliisan yo ray problema tan agmet na-apektoan so kimey parad Panarian ed bansom bisitaen yo. —1 Cor. 14:33, 40.

Pangaligan Iran Presentasyon

Pangigapoy Panangiyaral na Biblia ed Unonan Sabado na Marso

“Dakel a totoo so manseselebra na inkianak nen Jesus, balet parad sikayo importante kasin nodnonoten so impatey nen Jesus?” Abuloyan ya onebat. Insan iderew ed householder so Marso 1 ya *Watchtower*, tan pantongtongan so unonan tepep tan ebat ed pahina 16 tan anggan sakey ya teksto. Iyeskedyul so ipawil pian konsideraen so ebat ed ontumbok ya tepep.

THE WATCHTOWER Marso 1

“Dakdakel iray relihyon ya nandurumay pananisia tan tradisyon da. Parad sikayo amin kasin mangibabagan Kristiano et talagan Kristiano? [Abuloyan ya onebat.] Walay imbaga nen Jesus ya pakabidbiran na saray tuan Kristiano. [Basaen so Juan 13:34, 35.] Ipaliwawa na sayan magasin iray limaran imbaga nen Jesus ya on-tulong ed sikatayon nibiig iray tuan patumbok to.”

Awake!® Marso

“Mitotongtong kamid saray totoo nipaakar ed sakey ya makapaaburidon nagagawa. Mas mapaspasnok iray totoo natan tan mipepetang so ulo da. Antoy iisiper yon sengegan ey? [Abuloyan ya onebat.] Imano yo pay ibabaga na Biblia nipaakar ed sanok. [Basaen so Salmo 37:8.] Nabasad sayan magasin iray arum a rason no akin ya mas mapaspasnok iray totoo natan, tan no panon ya kontrolen so sanok.”

Maabig Iran Report ed Serbisyo

Asabi tayoy duaran balon peak nen Oktubre: (1) 176,757 a manangipalapag, tan (2) 30,572 ya regular payunir. Makapaliket met a naamtaan ya akapangiyopresi itayo na magasin ya mas dakel na 216,243 no ikompara nen Oktubre 2010!